

Wien, Österreichische Nationalbibliothek (ÖNB), Cod. 4766

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2365

A S C E T I C I .

2366

Sub rubrica: *De signis auaricie: f. 42. p. 2.*

*Vnica persona similis cupit esse tonanti
 Tres personatus appropriando sibi.
 Massilie cantor narbone preposituram
 Imperat inde cupit esse decanus aquis &c.*

Sub rubrica: *De tarda confessione. f. 64. p. 2.*

*Denique sunt plures quorum Confessio tardat
 Donec paschalis uenerit alma dies.
 Ordo quidem talis preposterus esse uidetur
 Ultima cauda preit subsequiturque caput.
 Si prius abstineas post crimina confitearis
 Currus in hoc facto ducitur, anne boues? &c.*

Ex ungue leonem. Epilogus totius Poematis infit et definit:

*Visque modo rabiem uitiorum barbariemque
 Scripsimus ut fugiat quisque fidelis ea &c. —
 Gloria lausque patri. sit nato. spirituique.
 Unicus et trinus sit benedictus. Amen.*

Tum literis crispis:

*Hic Liber Est Scriptus Qui Scripsit Sit Benedictus. Amen.*et Index praecipuorum Capitum Operis. Adjecti sunt alia manu Ver-
ficiuli quidam, ut hi de Amore:

*Dicam quid sit amor. amor est insania mentis,
 Ardor inextinguis. insaciata fames.
 Dulce malum. mala dulcedo. dulcissimus error.
 Absque labore quies. absque quiete labor.*

DCXIX.

686 Codex chartaceus lat. Sec.
 XV. Folior. 131. 4. currente
 calamo a diversis exaratus et
 olim Fratrum sancte Crucis Cano-
 nicorum Regular. Coloniae, con-

tinet: I. Vericulos illos, qui
Poenitentarius inscribi solent,
 extantque jam Sec. XV. impref-
 si s. l. et a. 4. item cum Ver-
 sione boh. et germ. Norimb.
 per Hier. Höltzel 1518. 4. Ini-
 tium est:

D d d d 3

Peni-

Wien, Österreichische Nationalbibliothek (ÖNB), Cod. 4766

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2367

C O D I C E S

2368

*Peniteas cito peccator cum sit miserator
Iudex. et sunt hec quinque tenenda tibi &c.*

Prior illa Editio satis cum *Codice* congruit, sed *Norimbergensis* multa omittit, nec *Commentario* gaudet, ut illa et *Codex*. Superat tamen illam etiam *Codex* longo *Prooemio*, quod tamen *Verfisculis* praefixum non est, sed una cum *Commentario* fol. 10. sequitur, interjecta *Epistola*, quam mox indicabo. Incipit porro *Prooemium* istud: *Uadam ad montem mirre. Hec propositio pro themate assumpta scribitur originaliter In canticis canticorum &c. et de Verficularum Autore sub finem haec tradit: secundum quosdam dicitur fuisse magister Johannes de garlandia, secundum alios vero quidam monachus de ordine cartusiencium uel sisterciencium &c. Nihil de hoc Opusculo Leyserus in Hist. Poet. med. aevi p. 311. agens de Job. de Garlandia, Garlandia, Gallandia Anglo Sec. XI. Scriptore, Fabricius tamen et Tannerus in Bibliothb. Libri ejus de Poenitentia meminere.*

II. fol. 5. p. 2. *Incipit missua luciferi principis tenebrarum ad principes ecclesiarum. Initium multoties recoetae crambes: Lucifer princeps tenebrarum tristia profundi regens acherontis imperia &c. ut multoties. Consule Indicem. Ad calcem: Explicit epistola magistri nicolai orem (Oresmii) gloriose doctoris in sacra theologia qui dictauit ista contra ambitiosos et superbos clericos presbi-*

teros et prelatos ecclesie. Addita est similis Fabula e Libro de Bono Universali, qui est Thomae Cantimpratensis, de Clerico in Synodo Episcoporum verba facere iusso et ad id a Daemone malo instituto.

III. fol. 10. *Commentarius in Poeniteas cito*, de quo jam supra dictum. Unum hic addo, in calce legi: *Et sic finitur expositio peniteas cito. per manus Heinrici; qui an Commentarii autor, an solum descriptor fit, lubens ignoro.*

IV. fol. 53. *Glosa decem preceptorum. Sine nomine Autoris. Initium: Sapiens est qui scit dampnum suum precauere &c. Finis: Et qui de quolibet uellet loqui ad plenum haberet satis de quolibet VII. diebus loqui. Explicit glosa decem preceptorum cum pulchris exemplis &c. An Gerardi de Stredam Carth. quem de X. Praeceptis scripsisse testis est Trihemius in Scriptt. Eccl. et Germ. illustr.*

V. fol. 73. *Incipit formula nouiciorum David de exteriori homine. Videlicet Fratris David de Augusta O. M. cui etiam in Bibl. PP. Lugd. T. XXV. p. 869. tribuitur, quamvis inter Opera Bonaventurae edita, et a nobis etiam sub hujus nomine relata Cod. CCLXI. Praeit Prologus, cui Librarius in margine addidit: Pauci habent hunc Prologum et tamen pertinet ante librum ut alias audiui*

Wien, Österreichische Nationalbibliothek (ÖNB), Cod. 4766

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

2369

ASCETIC.

2370

*audiui ab uno scito fratre minori.
Exstat ille etiam in Bibl. PP. l.
cit. ad F. Bertholdum directus,
cujus nomen a Cod. nostro abest.
Incipit: Desiderasti a me frater
kariſſime, ut aliquid scriberem ti-
bi ad edificationem &c. Opus ve-
ro ipsum: Primo ergo semper de-
bes considerare ad quid veneris &c.
Fol. 83. p. 2. succedit Pars al-
tera: Incipit formula nouiciorum
eiusdem de interiori homine. Ini-
tium: In priori formula nouicio-
rum quam tibi nouicio scripsi &c.
Exstat Bibl. PP. suprac. p. 881.
Utramque retulimus etiam alibi.*

*VI. fol. 113. Tractatus de
horis Canonis vtilis et bonus
pro clericis. Incipit: Septies in
Die laudem dixi tibi. In psal-
mo. Quamuis Deus in omni tem-
pore a nobis sit laudandus &c.
An ad Henricum de Hassia re-
ferendus fit, dubium movimus
Cod. DLXXX. Ceterum jam etiam
Codd. aliis adlatus.*

*VII. fol. 120. Lectiones Li-
bri Job, quae in Officio De-
functorum recitantur, sed loco
ultimae posita est Lectio I. ad
Corinth. C. XV. v. 19. Om-
nibus addita Expositio, et cal-
ci adjectum: Et sic finis Deo
gratias finitum in obitu pas-
sche.*

DCXX.

Codex membraneus lat. Sec. 829
XIV. Folior. 77. 8. nitide per-
scriptus, rubricis distinctus et
quondam Fratrum Cartbusiensium
domus montis Sancti Beati prope
Confluentiam pium Opusculum dia-
logicum est, rhythmis inclusum,
quo Amici duo Senior et Junior,
interloquente etiam Christo et
Virgine Deipara, hujus et Filii
ejus Vitam percensent, insignitum
Speculum Amoris, cuius Prolo-
gum subjicio:

*Fuerunt duo socij in habitu clauſtrali.
Qui omne tempus ocij feruore spirituali
Redimentes dulciter deo seruiebant.
Cuius iugum iugiter cum gaudio ferebant.
De rebus spiritualibus crebro colloquuntur.
Studisque talibus mutuo pascuntur &c.*

Rogat igitur Junior Seniorem, ut materiam supra dictam auspicetur,
quem et consentientem habet.

*Deo dante faciam que fuggeris dilecte
Tu implora gratiam que ducat me direpte &c.*

Totum Colloquium IV. Distinctionibus transfigitur, et hunc finem
habet:

Ecce